

## **UGOVOR o nabavci roba**

Zaključen između Ugovornih strana:

1. **Kantonalni stambeni fond Sarajevo** sa sjedištem u Sarajevu, ul. Hiseta 13A, koga zastupa direktor dr.sc. Adnan Efendić, kao Naručioca posla, identifikacijski broj: 4200296330004, poreski broj: 01074411, transakcijski račun broj 1610000052250031 kod Raiffeisen Bank Sarajevo **(u daljem tekstu: Kupac)** i
2. **“mojit“ d.o.o. Sarajevo**, sa sjedištem u Sarajevu, adresa Tešanjaska 28b, koga zastupa direktor Mirko Mršić ID broj: 4202255050008, PDV broj: 202255050008, kao Izvršioca posla **(u daljem tekstu Prodavac)**

### **Član 1**

#### **(Predmet Ugovora)**

- (1) Predmet ovog ugovora je nabavka i isporuka računarske i druge opreme za potrebe Kupca- Naručioca nakon provedenog postupka javne nabavke putem Konkurentskog zahtjeva, na osnovu Odluke o izboru najpovoljnijeg ponuđača , broj 02-03-134-11/2019 od 29.01.2019. godine, a prema Ponudi ponuđača-Prodavca, 0070/19 od 28.02.2019. godine sa Specifikacijom definisanom članom 7. Ugovora.
- (2) Ponuda je sastavni dio ovog ugovora.

### **Član 2.**

#### **(Ugovorna cijena)**

- (1) Cijena koju će Kupac isplatiti Prodavcu za usluge iz člana 1. ovog ugovora iznosi:  
Cijena bez PDV-a: **9.994,05 KM**  
PDV 17%: **1.698,99 KM**  
Ukupna cijena sa PDV-om: **11.693,04 KM** (slovima jedanaest hiljada šeststotinadevedesetri i 04/100 KM).
- (2) Prodajna cijena podrazumjeva isporuku računarske i druge opreme FCO Kupac, ocarinjeno i oporezovano (PDV 17%).

### **Član 3.**

#### **(Način plaćanja)**

- (1) Plaćanje ugovorenog iznosa iz člana 2. ovog ugovora za nabavku računarske i druge opreme, Kupac će izvršiti na transakcijski račun Prodavca prema prihvaćenoj ponudi Prodavca koja je sastavni dio ovog ugovora.
- (2) Plaćanje se obavlja na žiro račun Prodavca na osnovu ispostavljene fakture koja je izdata u skladu sa odredbama pozitivnih propisa iz oblasti poreza.
- (3) Ugovorna cijena je fiksna i nepromjenjiva cijelo vrijeme trajanja ovog ugovora i ne podliježe bilo kakvim promjenama.

### **Član 4.**

#### **(Rok i mjesto isporuke)**

- (1) Rok za isporuku predmetne opreme je 30 (trideset) dana od dana stupanja Ugovora na snagu.
- (2) Prodavac se obavezuje predmetnu opremu isporučiti u sjedište Kupca, na adresi Hiseta 13A, 71 000 Sarajevo, prema specifikaciji iz člana 7. ovog ugovora.
- (3) Isporuka računarske i druge opreme će se izvršiti između predstavnika Prodavca i Kupca koji će sačiniti i potpisati Zapisnik o njoj primopredaji u kome će se konstatovati i navesti sve stavke prema kojima isporučena računarska i druga oprema odgovara karakteristikama iz tehničke specifikacije iz tenderske dokumentacije i karakteristikama datim u specifikaciji Ponude.

### **Član 5.**

#### **(Viša sila)**

- (1) Kupac i Prodavac se neće smatrati odgovornim za kašnjenje u ispunjavanju obaveza prema ovom ugovoru ako je kašnjenje uslijedilo zbog više sile.
- (2) Pod višom silom podrazumijevaju se slučajevi koji se mogu pojaviti poslije stupanja Ugovora na snagu, a koji nisu pod kontrolom nijedne Ugovorne strane, niti se objektivno mogu predvidjeti, a sprječavaju jednu

ili obje Ugovorne strane u ispunjavanju njihovih obaveza.

- (3) U što skorijem roku, nakon djelovanja više sile, a ne duže od dva dana, Prodavac detaljno obavještava Kupca pismenim putem o djelovanju više sile.
- (4) U slučaju da se utvrdi da Prodavac nije u mogućnosti da ispuni obaveze prema ovom ugovoru, Kupac ima, i može koristiti, pravo na raskid ovog ugovora o čemu će pismenim putem obavijestiti Prodavca u roku ne dužem od tri dana nakon saznanja o djelovanju više sile.

#### Član 6. (Garancija)

- (1) Prodavac je dužan u roku od 10 dana od dana obostranog potpisivanja ovog ugovora dostaviti Kupcu bezuslovnu bankarsku garanciju za uredno izvršenje Ugovora u iznosu od 10% (deset procenata) od ukupne vrijednosti Ugovora bez uračunatog PDV-a, sa klauzulom plativo na prvi pisani poziv korisnika garancije-Kupca i bez prava prigovora, sa rokom važnosti- rok izvršenja ugovorenih obaveza plus 30 dana.
- (2) Ukoliko Prodavac ne dostavi garanciju za izvršenje Ugovora u roku iz stava 1. ovog člana, zaključeni Ugovor smatrati će se apsolutno ništavim.

#### Član 7. (Specifikacija)

Sastavni dio ovog ugovora je specifikacija za računarsku i drugu opremu, sa iskazanim količinama, jediničnom cijenom, iznosima PDV-a i ukupnom cijenom, koje je Prodavac priložio u svojoj ponudi 0070/19 od 28.02.2019. godine za učešće putem Konkurentskog zahtjeva za dostavu ponuda.

#### Član 8. (Zaštita prava)

- (1) Sve eventualne sporove po ovom ugovoru, Ugovorne strane će nastojati riješiti sporazumno, a ukoliko do sporazuma ne dođe, za rješavanje spora nadležan je Sud u Sarajevu.
- (2) Na sva prava i obaveze Ugovornih strana koja nisu regulisana ovim ugovorom, primjenjivat će se odredbe Zakona o obligacionim odnosima.

#### Član 9. (Završne odredbe)

- (1) Ovaj ugovor stupa na snagu danom obostranog potpisivanja od strane ovlaštenih lica Ugovornih strana.
- (2) Svaka od Ugovornih strana može otkazati ovaj ugovor pismenim putem uz otkazni rok od 15 (petnaest) dana iz razloga propisanih Zakonom o obligacionim odnosima.
- (3) Ovaj ugovor je sačinjen u 4 (četiri) istovjetna primjerka, od čega svaka Ugovorna strana zadržava po 2 (dva) primjerka.

**PRODAVAC:**

**"mojit" d.o.o. Sarajevo**

DIREKTOR

Mirko Mršić



Broj: M-018/19

Datum: 18.03.2019

**KUPAC:**

**KANTONALNI ŠTAMBENI FOND SARAJEVO**

DIREKTOR

dr.sc. Adnan Efendić



Broj: 02-03-134-12/2019

Datum: 18.03.2019. godine